



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 91. Regis promissa ad Erasmus in Gallias accersendum.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI.

A C. 1526

hoc anno ad Erasmum perscripsit, afferens, quod non modo Guilielmus Parvus Theologiæ Doctor, qui & Regi a confessionibus erat, sed & Franciscus Rupifortius, olim ejusdem Principis Moderator, doctrinam, ac ceteras omnino præclaras Erasmi dotes tam amplis celebrarint encomiis, ut Regi talem virum alloquendi, atque in Gallias accersendi desiderium instillaverint: Rex vero tam copiosa laude captus Guilielmo negotium dederit, ut Erasmo Regis affectum significaret, simulque ab eo sciscitaretur, an in Galliis permanere vellet, id vero, si ei luberet, Rex ei copiam faceret, ut sustentationis suæ conditiones præscribere posset; hanc enim Regis voluntatem esse ajebat, ut ei fidem faceret, illum tot bonis auctum iri, ut eum patria sua excessisse nunquam pœniteret.

## §. XCI.

*Regis promissa ad Erasmum in Gallias accersendum.*

**A**ugebatur Regis existimatio de Erasmo concepta ex ipsa lectione librorum, quos vir ille doctus vulgaverat; quocirca eum crebrius, ut in Franciam veniret, sollicitari jussit, quin imo ipse etiam propria manu ad eum literas per-

perscripsit, tamque importune institit, Sæcul XVI.  
A.C. 1526.  
 ut omnium iudicio nil propius esse videretur, quam quod insignis ille vir tandem Regis mandato cederet: id ipsum, quod narramus, Erasmus datis ad Tonstallum Londinensem Episcopum literis significabat his verbis: *Rex Galliarum incredibili est in me affectu; Exspector: Thesauraria Turonensis parata est, quæ reddit quingentos coronatos.* Idem etiam perscribit ad Guilielmum Cantuariensem Archiepiscopum. *Franciscus Rex Galliarum, inquit ipse, incredibili est in me affectu, rursus vocor in Gallias. Parata est jam pridem Thesauraria Turonensis ampli proventus, sed tales sarcinas nihil moror & libertatis avidus, & brevi moriturus.* Lib. 18.  
Epist. 48.  
Lib. 20.  
Epist. 44.

§. XCII.

*Erasmus a summis Pontificibus semper perbenigne exceptus.*

**N**unquam luculentius Erasmi colloquia ab injuriosa Parisiensium Doctorum censura vindicatur, quam ubi eorum Auctorem a summis etiam Pontificibus perhonorifice habitum demonstrare possumus. Hi enim, cum ad servandum fidei depositum præ Principibus profanis longe magis intenti, ac dissensionibus, quibus tum Ecclesia scindebatur, intimius commoti essent, qua ratio-